



MARKAS ANGKATAN TENTERA MALAYSIA
 BAHAGIAN HAL EHWAL AWAM-J7
 Wisma Pertahanan
 Jalan Padang Tembak
 50634 KUALA LUMPUR
 Tel: 03-20716425/6424
 Laman Web: www.mafhq.mil.my

KENYATAAN MEDIA

KUALA LUMPUR

8 April 2021

(Dikeluarkan pada jam 3.00 petang)

MAJLIS PELANCARAN BUKU "IN PURSUIT OF QUALITY SOLDIERING: THE STORY OF THE MAN BEHIND THE MALAYSIAN GREEN BERET"

Panglima Angkatan Tentera, Jeneral Tan Sri Dato' Sri Hj Affendi bin Buang TUDM telah melancarkan buku "In Pursuit of Quality Soldiering: The Story of the Man Behind the Malaysian Green Beret" bertempat di Dewan Perkasa, Wisma Perwira Angkatan Tentera Malaysia (ATM).

Buku ini merupakan hasil tulisan Jeneral Tan Sri (Dr) Borhan bin Ahmad (Bersara); mantan Panglima Angkatan Tentera Ke-12 dan disunting oleh Lt Kol Dr. S. Ananthan (Bersara) dari Universiti Pertahanan Nasional Malaysia (UPNM). Buku terbitan UPNM dengan kerjasama ATM ini berkisar kepada kerjaya dan pengalaman penulis yang memasuki Maktab Tentera Persekutuan pada tahun 1953 dan seterusnya menceburi ATM sehingga bersara pada tahun 1995. Pelbagai kejayaan yang dicapai beliau sehingga menjadi satu-satunya 'Komando' yang menjawat jawatan Panglima Angkatan Tentera Malaysia.

Buku ini menyoroti kembali era perkhidmatan beliau di dalam Tentera Darat Malaysia khususnya dan ATM amnya. Lebih menarik lagi apabila kandungan buku ini turut mencoretkan tahap-tahap penubuhan Gerup Gerak Khas (GGK), Tentera Darat Malaysia ataupun lebih dikenali sebagai Komando.

Secara eksklusif, kupasan mengenai operasi-operasi khas yang dilaksanakan oleh unit-unit GGK semasa menentang Komunis dan musuh-musuh Negara yang tidak pernah diceritakan turut diselitkan sebagai menyuntik semangat patriotisme dan cintakan tanah air. Penulis mengkongsikan pelbagai cabaran dan pengalaman yang wajar dijadikan rujukan serta diteladani oleh perwira dan pemimpin masa kini serta generasi akan datang.

**SYNOPSIS: "IN PURSUIT OF QUALITY SOLDIERING: THE STORY OF THE MAN
BEHIND THE MALAYSIAN GREEN BERET"**

In 1953, a young Borhan 'ran away' from the hardships of life to join the Boys Company of the Federation Military College. Given his adventurous spirit, he chose the military profession of arms as his preferred career. Serving with the 1st Malayan Special Force in The Congo (1960-61), his exploits were nothing short of youthful audacity.

These were clearly signs of a courageous young man who took over the reins of the Malaysian Special Service Unit in 1965. Within a period of 15 years, he transformed this outfit into what is today the 21 Special Service Group. A man with a rare blend of great physical and moral courage, Borhan held on steadfastly to a noble piece of advice – "don't be afraid to say no when you are in the right" – and endured the repercussions.

This book is a 'must read' for those who want to know the origins of the Malaysian Army Special Forces, aka the Commandos. History buffs can read first-hand encounters of some of the hitherto untold special operations carried out by the Commandos against communist terrorists and other foes of the nation. For military officers, there are many important real-life lessons about command at all levels, lessons shared by the only Commando who rose up the ladder to become the 12th Chief of Defence Force, Malaysia.

-TAMAT-

"KEDAULATAN NEGARA TANGGUNGJAWAB BERSAMA"



Markas Angkatan
Tentera Malaysia



official.atm2020



@MarkasATM



Markas ATM



BLURB

In 1953, a young Borhan 'ran away' from the hardships of life to join the Boys Company of the Federation Military College. Given his adventurous spirit, he chose the military profession of arms as his preferred career. Serving with the 1st Malayan Special Force in The Congo (1960-61), his exploits were nothing short of youthful audacity. These were clearly signs of a courageous young man who took over the reins of the Malaysian Special Service Unit in 1965. Within a period of 15 years, he transformed this outfit into what is today the 21 Special Service Group. A man with a rare blend of great physical and moral courage, Borhan held on steadfastly to a noble piece of advice - "don't be afraid to say no when you are in the right" – and endured the repercussions. This book is a 'must read' for those who want to know the origins of the Malaysian Army Special Forces, aka the Commandos. History buffs can read first-hand encounters of some of the hitherto untold special operations carried out by the Commandos against communist terrorists and other foes of the nation. For military officers, there are many important real-life lessons about command at all levels, lessons shared by the only Commando who rose up the ladder to become the 12th Chief of Defence Force, Malaysia.

(223 words)



JENERAL TAN SRI (DR) BORHAN BIN HAJI AHMAD (BERSARA)

Jeneral Tan Sri (Dr) Borhan bin Haji Ahmad (Bersara) telah dilahirkan pada 12 Disember 1939 di Pasir Mas, Kelantan. Beliau telah dibesarkan di Merlimau, Melaka sebelum berpindah kembali ke Pasir Mas untuk memulakan pendidikan awal di Sekolah Inggeris Ismail (Ismail English School) di Kota Bharu pada awal tahun 1949. Beliau berjaya terpilih untuk memasuki *Boys Company* di Port Dickson pada tahun 1953 dan meneruskan persekolahan di Tingkatan 2. Pada tahun 1958, beliau memulakan latihan pegawai kadet di Cawangan Kadet, Maktab Tentera Persekutuan (Federation Military College) di Port Dickson dan ditauliahkan sebagai Leftenan Muda pada 13 Disember 1959.

Perkhidmatan beliau sebagai pegawai tentera bermula di Rejimen ke-4 Askar Melayu Diraja dengan menyandang jawatan Ketua Platoon. Pada hujung tahun 1960, beliau telah berkhidmat dengan batalion ini di bawah panji-panji Pertubuhan Bangsa-Bangsa Bersatu (PBB) di Congo bersama *Malayan Special Force* yang ditugaskan ke sana. Sekembalinya dari misi pengaman di Congo pada tahun 1962, beliau terpilih menjadi jurulatih Pegawai Kadet di Maktab Tentera Persekutuan sehingga 1965. Ketika negara dilanda ancaman Konfrontasi dari negara Indonesia, Kapten Borhan bin Ahmad telah menyahut panggilan untuk menyertai Pasukan Gerakan Khas Malaysia (Malaysian Special Service Unit) yang baru ditubuhkan pada tahun 1965. Sejak dari itu, dengan kesungguhan, kegigihan dan semangat tinggi yang ada pada diri beliau, beliau telah berjaya membangunkan sedikit demi sedikit Rejimen Gerak Khas, bermula dari sebuah unit berkekuatan 150 orang sehingga ia menjadi sebuah organisasi bersaiz Briged (Gerup Gerak Khas) pada tahun 1981 yang berkekuatan lebih 4,000 anggota.

Beliau telah menjalani beberapa kursus kepakaran dan kursus kerjaya di dalam dan di luar Negara, antaranya adalah seperti kursus *Special Forces Officers Course* di Fort Bragg, United States (1966), *Small Scale Amphibious Operations* di Sydney, Australia (1967) dan *National Defence College* di New Delhi, India (1986).

Pada bulan Disember 1970, Mej Borhan bin Ahmad dinaikkan ke pangkat Leftenan Kolonel pada usia 31 tahun dan terus menjawat jawatan Pegawai Memerintah yang pertama Rejimen Gerak Khas Malaysia (Malaysian Special Service Regiment). Tugas di dalam jawatan ini telah dilaksanakan dengan cemerlang. Ketika beliau memimpin pasukan ini (1 Januari 1971 sehingga 31 Disember 1974), Rejimen Gerak Khas terlibat melaksanakan pelbagai operasi khas menentang komunis di Semanjung dan Sarawak. Ketangkasan anggota rejimen ini mencari dan memusnah musuh negara amat terserlah sehingga digeruni oleh penganas komunis. Pada awal tahun 1975, beliau diberi satu lagi tugas yang mencabar, iaitu menjadi Attaché Pertahanan di kedutaan Malaysia, di Saigon, Vietnam ketika perang Vietnam berada di kemuncak. Beliau bertanggungjawab membawa pulang semua warga negara Malaysia seurus sebelum Vietnam Selatan tumpas ke tangan komunis dari Vietnam Utara pada bulan April 1975.

Pada 1 Januari 1978, Leftenan Kolonel Borhan telah dinaikkan ke pangkat Kolonel dan menjawat jawatan Komandan Pusat Latihan Peperangan Khas ATM yang baru ditubuhkan hasil usaha beliau sendiri. Tiga tahun kemudian beliau dilantik menjadi Ketua Staf pertama Divisyen Infantri ke-4 yang baru ditubuhkan. Kedua-dua tugas ini amat mencabar kerana usaha membangunkan organisasi yang baru ditubuhkan memerlukan kemahiran merancang dan menyelia yang tinggi. Pada 1 Jun 1982, beliau sekali lagi ditugaskan membangunkan sebuah institusi latihan baru iaitu Sekolah Pegawai Kanan, Tentera Darat di Port Dickson. Pusat latihan ini kini dikenali sebagai Institut Pegawai Kanan (INSPEKA).

Pada 1 Januari 1984 Kolonel Borhan bin Ahmad akhirnya dinaikkan ke pangkat Brigadier Jeneral dan menjawat jawatan Panglima 21 Gerup Gerak Khas (GGK). Pada 6 Oktober 1987 beliau telah dinaikkan ke pangkat Mejar Jeneral dan diberi tugas menerajui Divisyen Infantri Ke-4 di Kuantan, Pahang. Pada 16 Jun 1990 Mejar Jeneral Borhan dinaikkan ke pangkat Leftenan Jeneral dan pada 3 Mac 1993 Leftenan Jeneral Borhan dinaikkan ke pangkat Jeneral dan menjadi Panglima Tentera Darat yang ketigabelas. Pada 1 Februari 1994, beliau dilantik sebagai Panglima Angkatan Tentera Malaysia yang keduabelas dan memikul tugas dan amanah tersebut sehingga 2 Februari 1995.

Liku-liku pengalaman dalam perkhidmatan membolehkan beliau terus menyumbang bakti demi kebaikan tentera di alam persaraan. Selepas bersara dari ATM pada tahun 1995, Jeneral Tan Sri (Dr) Borhan bin Ahmad diberi amanah membangunkan organisasi baru iaitu Perbadanan Hal Ehwal Bekas Angkatan Tentera (PERHEBAT) yang bertanggungjawab menguruskan dan memantapkan sosio-ekonomi veteran ATM. Disamping itu pada tahun 2005, beliau menjadi Ahli Lembaga Pengarah Ecovest Berhad yang terlibat dalam projek-p projek pembinaan di seluruh negara.

Dalam sepanjang tempoh 37 tahun dalam perkhidmatan tentera, Jeneral Tan Sri (Dr) Borhan bin Ahmad telah menyumbangkan idea dan tenaga demi kecemerlangan ATM. Selain membangunkan Rejimen Gerak Khas, beliau telah menyumbang bakti menubuhkan Pusat Latihan Peperangan Khusus, 10 Briged Para, Pasukan Atur Cepat, Pasukan Udara Tentera Darat dan Institut Pegawai Kanan (INSPEKA). Beliau juga telah menerajui proses mentransformasikan Kor Tentera Darat menjadi Pemerintahan Medan Tentera Darat serta memulakan langkah pembinaan Kem Iskandar, sebuah kem yang serba moden untuk 21 Gerup Gerak Khas di Mersing, Johor.

Jeneral Tan Sri (Dr) Borhan merupakan seorang pemimpin yang dikagumi serta seorang pemikir yang berpandangan jauh. Dalam bidang pengurusan sumber manusia, beliau berpegang kepada falsafah dengan tiga tonggak utama, iaitu: penyediaan tempat kerja dan penginapan yang terbaik; pemberian latihan yang cemerlang kepada anggota; serta kepemimpinan melalui teladan. Dalam bidang pengurusan organisasi, beliau menggerakkan amalan konsep *Total Quality Management (TQM)* dalam seluruh Tentera Darat sejak tahun 1993 lagi. Di dalam bidang operasi, beliau mengambil inisiatif menggubal Doktrin Operasi Unit Kecil (Small Unit Operations) yang kekal relevan sebagai satu doktrin unggul dalam pertahanan negara. Menyedari keperluan menjana pegawai tentera yang profesional serta berpendidikan tinggi setaraf dengan tentera negara-negara maju, beliau mengambil langkah menaja kertas cadangan untuk menubuhkan sebuah akademi tentera, pertama kali pada tahun 1987 dan sekali lagi pada tahun 1993. Akhirnya, berkat kegigihan beliau, Akademi Angkatan Tentera Malaysia (ATMA), yang kini menjadi Universiti Pertahanan Nasional Malaysia, berjaya ditubuhkan secara rasminya pada bulan Jun 1995, empat bulan selepas beliau bersara dari perkhidmatan tentera.

Atas sumbangan jasa bakti, kecemerlangan, keberanian dan keintelektualan beliau, Universiti Pertahanan Nasional Malaysia menganugerahkan Ijazah Kehormat Doktor Falsafah Pengurusan Sumber kepada Jeneral Tan Sri (Dr) Borhan bin Hj Ahmad (Bersara) pada 15 Disember 2020